

# INUIT ATAQATIGIIT INATSISARTUNI



4. Oktober 2023

UKA2023/55

## Allannguut

Siunnersuut 8 september 2023-meersoq taarserpaa

(Allanngortinneqarpoq siunnersuuteqartup atia (Inatsisartunut ilaasortaq Agathe Fontain, Inuit Ataqatigiit) taarserneqarpoq (Inatsisartunut ilaasortaq Eqaluk Høegh, Inuit Ataqatigiit) )

Inatsisartut Suleriaasianni § 36 malillugu apeqquteqaat aallaavigalugu oqallinnissamik imaattumik siunnersuuteqarpunga:

**Meeqqanut inuusuttuaqqanullu ulloq unnuarlu angerlarsimaffimmik pilersitsiniarnermi, angerlarsimaffiit qanoq ittut, qanorlu perorsaariaasillit Nunatsinnut tulluartuunersut suullu piumasaqaatigissanerigut pillugit apeqquteqaat aallaavigalugu oqallinnissamik siunnersuut**

(Inatsisartunut ilaasortaq Eqaluk Høegh, Inuit Ataqatigiit)

Meqqat angerlarsimaffiup avataannut inissineqartartut amerliartorneri ajuusaanartuuvoq. Pinaveersaartitsinermi suliermi anguniarneqartussaagaluarmat, angajoqqaat meeqqaminnik paaqqinninnissaat. Sapersartoqarneranilu angajoqqaat perorsaannissanut paaqqutarinninnissamullu sakkusaannik tuniorarnerisigut, akisussaaffitsik, pisussaaffitillu naammassisinnaalernissaanik sulineq ingerlasariaqaraluarluni.

Ullumikkut Nam.Oqartussat Namminersorlutillu ingerlasut amerligaluttuinnarput.

Oqallisissiamilu tikikkusutara tassaavoq, ulloq unnuarlu angerlarsimaffiit, qanoq ittut pisariaqartippagut, siunissamilu qanoq ittut pisariaqartissavagut?

Sulisut qanoq iliniagaqarsimassappat? Pikkorissarsimanissaannik ilinniargaqarsimangippata, piumasaqaateqassaagut? Apeqqutit imaannaanngitsut eqqartorneqartariaqartut isigaakka.

Ilinniarsimasunik sulisoqarniarneq ajornartorsiutaanera ilisimavarput. Taammattorli pinngitsooratik meeqqat inissineqartussaattillugit, piumasaqaat taannarpiaq qaangerneqarsinnaanngtsuusinnaavoq, pineqartummi angerlarfissaqartariaqarmata.

Meeqqap inuunermi pisariaqartitai, nerisat, atisat angerlarfissaqarnerup saniatigut, tassaasut ilagaat, asanninneq, toqqissisimaneq, sinaakkuteqarneq, peqqissumik ineriartorneq, ilikkarsinnaassuseqarneq, inersimasunik toqqammaveqarneq il.il..

Meqqaat inuunermini, inissineqarnissaminut peqqutai, amerlasuutigut imaannaanngitsuusarput, sakkortullutik. Katsorsaneqarnissamik pisariaqartitillutik. Sulisulli katsorsaasuusimanngippata, nalaatarisimasap qaangernissaanut katsorsarneqarnissamik pisariaqartitillutik, kikkut ikiunissaannik periarfissaqartariqarpoq.

Nam. Oqartussat angerlarsimaffiutaasa, imaluuniit namminersortut naammassisinnaavaat?  
Namminersortunut pilersitsiniarnernut piumasaqaatit aamma Nam. Oqartussat naammassisinnaavaat, assersuutigalugu ,sulisut ilinniarsimassusaat.

Meeqqanut ulloq unnuarlu paaqqinniffinnik pilersitsineq ingerlatsinerlu pillugit Namminersorlutik Oqartussat nalunaarutaat<sup>1</sup> kingullermik 2021-mi allanngortinneqarpoq, §4 naapertorlugu katsorsaanerit piareersaanerillu minnerpaaffiliussaata annikitsuinnaallutik. Piumasaqaatit taakkua naammappat immaqaluunniit sukanganerusariaqarpat?

Neriuppunga oqallinnermi iliuusissanik saqqummertoqartarumaartoq. Pitsaasumik meqqat pineqartut iliuuseqarfiginiassagatsigit.

---

<sup>1</sup> [bkg 50 2021 \(nalunaarutit.gl\)](#)